

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst ("Službene novine Zeničko-dobojskog kantona", broj 7/10), na prijedlog Ministarstva unutrašnjih poslova Zeničko-dobojskog kantona, Vlada Zeničko-dobojskog kantona, na 67. sjednici, održanoj 25.08.2016. godine, d o n o s i

ZAKLJUČAK

I

Prihvata se Informacija o stanju bezbjednosti na području Kantona za prvo polugodište 2016. godine.

II

Zaključak stupa na snagu danom donošenja.

Broj: 02-_____/16.
Datum, 25.08.2016. godine
Z e n i c a

PREMIJER

Miralem Galijašević

DOSTAVLJENO:
1x Stručna služba Vlade,
1x Ministarstvo unutrašnjih poslova,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A**

INFORMACIJA
o stanju bezbjednosti na području Kantona
za prvo polugodište 2016. godine

Zenica, august 2016. godine

1. UVOD

Informacija o stanju bezbjednosti za period januar-juni 2016. godine, izrađena je na osnovu statističkih pokazatelja i izvještaja o radu dostavljenih od strane organizacionih jedinica Ministarstva. U uvodnom dijelu informacije prezentirani su u skraćenoj formi podaci o poduzetim aktivnostima Ministarstva u okviru poslova iz svog djelokruga nadležnosti.

Rad svih organizacionih jedinica Ministarstva se odvijao u skladu sa ovlaštenjima propisanim zakonima i podzakonskim aktima (Zakonom o unutrašnjim poslovima ZDK, Zakonom o policijskim službenicima ZDK, Zakonom o javnom redu i miru ZDK, Zakonom o osnovama bezbjednosti saobraćaja na putevima u BiH, Zakonom o prekršajima FBiH itd., te Pravilnikom o unutrašnjoj organizaciji MUP-a ZDK, Pravilnikom o zaštiti tajnih podataka u MUP-u ZDK, Pravilnikom o zaštiti ličnih podataka u MUP-u ZDK, Pravilnikom o upotrebi sile itd).

Posebna pažnja je bila posvećena zakonitom radu, primjeni policijskih ovlaštenja i profesionalnom odnosu policije prema građanima, uz poštivanje domaćih i međunarodnih standarda i propisa o ljudskim pravima.

Takođe, rad Ministarstva se odvijao u skladu sa projektima koje obuhvataju brojne aktivnosti iz akcionih planova na državnom nivou: Strategija za borbu protiv organizovanog kriminala, Strategija za borbu protiv korupcije i Akcioni plan za provedbu Strategije. Posebna pažnja posvećena je prevenciji maloljetničke delinkvencije, nasilja u porodici i nasilja nad djecom.

U svom operativnom radu Ministarstvo je u potpunosti bilo usmjereno ka eliminisanju svih pojava koje narušavaju ili bi mogle narušiti bezbjednosnu situaciju. Cjelokupna aktivnost se odvijala u saradnji sa drugim nadležnim organima i institucijama. U realizaciji zadataka Ministarstvo je ostvarilo dobru saradnju sa drugim agencijama za sprovođenje zakona (FMUP, SIPA, MUP RS, MUP-ovi drugih kantona itd), zatim sa Tužilaštvom BiH, Federalnim i Kantonalnim tužilaštvom, Kantonalnom upravom za inspekcijske poslove, Kazneno-popravnim zavodom Zenica, Ministarstvom za pravosuđe i upravu, Ministarstvom zdravstva, te drugim ministarstvima i kantonalnim upravama.

U saradnji sa Kantonalnom upravom za inspekcijske poslove poduzimane su mjere i aktivnosti na kontroli prometa roba, aktivnosti na kontroli bespravne sječe šume, kontroli rada ugostiteljskih objekata, a pružane su i asistencije kantonalnim inspektorima.

Ministarstvo je sve obaveze i zadatke iz svoje nadležnosti, zaključno sa 30.06.2016. godine, obavljalo sa ukupno 998 policijskih službenika, 52 državna službenika i 416 namještenika što je ukupno 1.466 zaposlenika u radnom odnosu. Važećim Pravilnikom o unutrašnjoj organizaciji i sistematizaciji u Ministarstvu je predviđeno angažovanje 1.235 policijskih službenika, 72 državna službenika i 492 namještenika, što je ukupno 1.799 sistematizovanih radnih mjesta, tako da je nedostajućih 333 zaposlenika ili 18,5%. U odnosu na kategoriju zaposlenika, Ministarstvu nedostaje 237 policijskih službenika, što je manjak u odnosu na broj sistematizovanih policijskih službenika u iznosu od 19,2% ili skoro 1/5 policijskog kadra. Nedostajući broj namještenika je 76 ili 15,4%, dok je broj nedostajućih državnih službenika 20 ili 27,8%.

U januaru 2016. godine raspisan je Javni oglas za prijem 100 policijskih službenika u početnom činu policajac, te je nakon provedenih procedura morfološkog i fizičkog testiranja, kao i procedura provođenja testa opšteg znanja i završnog intervjua sačinjen i objavljen konačni spisak primljenih kandidata.

Pored navedenog, Ministarstvo će, u cilju jačanja kadrovskih kapaciteta i poštivanja zakonske legislative, u narednom periodu raditi na implementaciji Zakona o zaštiti i postupanju sa djecom i maloljetnicima u krivičnom postupku FBiH, što podrazumjeva uskladjivanje podzakonskih propisa sa pomenutim Zakonom, odnosno izmjene Pravilnika o

unutrašnjoj organizaciji radnih mjesta u Ministarstvu, kako bi se pristupilo formiranju odsjeka i njegovog sastava u skladu sa odredbama Zakona.

U izvještajnom periodu usvojene su Izmjene i dopune Zakona o javnom redu i miru Zeničko-dobojskog kantona, kao i Nacrt Zakona o javnom okupljanju.

Ovo Ministarstvo je, od strane ovlaštenih zaposlenika, zastupano pred Općinskim i Kantonalnim sudom u Zenici u predmetima pokrenutim od strane policijskih službenika iz radnog odnosa i postupcima pokrenutim zbog oduzimanja oružja u upravnim postupcima.

Kontinuirano su vršeni poslovi u vezi primjene Zakona o agencijama i unutrašnjim službama za zaštitu ljudi i imovine, gdje se kroz provođenje upravnog postupka odlučivalo o podnesenim zahtjevima, kako agencija za zaštitu ljudi i imovine, tako i pravnih i fizičkih lica, provedeni su postupci izdavanja službenih iskaznica za lica koja obavljaju poslove zaštite, te su vođene propisane evidencije iz ove oblasti.

Kontinuirano je provoden drugostepeni upravni postupak u predmetima vezanim za primjenu Zakona o nabavljanju, držanju i nošenju oružja i municije, prilikom kojih Policijski komesar odlučuje po žalbama na prvostepene odluke policijskih stanica.

U pogledu edukacije obavljane su aktivnosti na stručnom usavršavanju i osposobljavanju policijskih službenika, kao i aktivnosti u vezi sa sudjelovanjem policijskih službenika MUP-a ZDK u međunarodnim misijama UN-a.

U prvom polugodištu 2016. godine organizovan je 31 različiti vid edukacije, kojima su prisustvovala ukupno 53 policijska službenika. Edukacije su bile u organizaciji MUP-a ZDK, Ministarstva sigurnosti, FMUP-a, Visokog sudskog i tužilačkog vijeća, OSCE-a, TIKA-e, ICITAP-a, IPA-e za Zapadni Balkan, IDDEEA-e, Agencije za školovanje Mostar itd.

U oblasti javnog reda i mira poduzimani su poslovi i zadaci na obezbjeđenju velikog broja javnih skupova povodom vjerskih i državnih praznika, kao i velikog broja manifestacija zabavnog, vjerskog i kulturnog karaktera. Vršeno je i obezbjeđenje sportskih manifestacija domaćeg i međunarodnog karaktera, posjeta ili prolaska visokih ličnosti i delegacija (delegacije iz Republike Hrvatske, Republike Turske, Kraljevine Saudijske Arabije, itd.). Takođe je postupljeno po Planu FMUP-a i zavedenoj akciji „Srebrenica 2016.“ povodom obilježavanja godišnjice genocida nad građanima Srebrenice i ukopa žrtava.

U oblasti kriminaliteta Ministarstvo je preduzimalo mjere i aktivnosti u skladu sa Akcionim planom kojim je obuhvaćena borba protiv svih vidova kriminaliteta pri čemu su posebno značajne aktivnosti u borbi protiv organizovanog kriminala i korupcije, te borbi protiv zloupotrebe opojnih droga. U izvještajnom periodu izrađen je Akcioni plan za borbu protiv korupcije Ministarstva unutrašnjih poslova Zeničko-dobojskog kantona za period 2016-2020. godina, a formirana je i Radna grupa za izradu Plana integriteta Ministarstva.

Odsjek za privredni kriminalitet podnio je Kantonalnom tužilaštvu Zeničko-dobojskog kantona 20 izvještaja o izvršenim krivičnim djelima i otkrivanju izvršilaca protiv 33 fizička i jednog pravnog lica, za počinjenih 28 krivičnih djela. Ovaj Odsjek je navedenom Tužilaštvu dostavio 32 izvještaja o izvršenim provjerama, te je uzeto 246 pismenih izjava na zapisnik.

U oblasti borbe protiv zloupotrebe opojnih droga, policijski službenici su u 7 slučajeva postupili po naredbi Općinskog suda Zenica i u 1 slučaju po naredbi Općinskog suda Tešanj, te su kao rezultat tog rada izvršeni pretresi više kuća, pomoćnih objekata, vozila i lica, pronađena je određena količina opojne droge i oružja, te je 9 lica lišeno slobode.

Službenici Odsjeka za posebne namjene, zajedno sa drugim policijskim službenicima MUP-a Zeničko-dobojskog kantona i u saradnji sa Kantonalnim tužilaštvom, u okviru operativne akcije kodnog naziva "Mreža", poduzimali su operativno-taktičke i istražne mjere i radnje usmjerene na otkrivanje i procesuiranje članova organizovane grupe koja se sumnjiči za izvršenje krivičnih djela iz oblasti zloupotrebe droga.

U oblasti bezbjednosti saobraćaja uspostavljen je novi način rada saobraćajnih patrola, kako na magistralnim putevima, tako i u gradskim sredinama.

Tokom prvih šest mjeseci 2016. godine zavedeno je ukupno 13 akcija pojačane kontrole učesnika u saobraćaju i to akcije: "Prisustvo alkohola u organizmu vozača" (4), "Brzina kretanja vozila i neporopisno preticanje" (3), "Vozila sa stranim registarskim tablicama" (2), "Tehnička ispravnost motornih vozila" (1), "Kontrola zloupotrebe registarskih tablica i važnosti registracije vozila" (1), "Kontrola važenja i posjedovanja vozačke i saobraćajne dozvole" (1), u ukupnom trajanju od 58 dana, te akcija "Mirujući saobraćaj" koja je provedena u kontinuitetu.

Takođe, pripadnici Ministarstva su pružali pomoć i asistenciju u vezi sa akcijom preventivne kontrole tehničke ispravnosti putničkih motornih vozila, pod nazivom "Putujte sigurno", koju je organizovao BIHAMK.

Službenici Ministarstva su, u domenu svojih nadležnosti, analizirali, pratili i procjenjivali stanje bezbjednosti na području Kantona, vršili interno i eksterno informisanje i izrađivali statističke i analitičke izvještaje o radu. Takođe su izrađivane analize i informacije, te dostavljani statistički podaci po zahtjevima organizacionih jedinica MUP-a, kao i po zahtjevima drugih institucija i agencija za sprovođenje zakona i drugih subjekata, ukupno 32 analize i informacije. Poduzimane su aktivnosti na redovnom izvještavanju javnosti o dnevnim i vanrednim događanjima na području Kantona, te je dato 76 saopćenja za javnost, izrađeno 506 dnevnih izvještaja i 629 posebnih izvještaja i izjava za medije.

2. STANJE BEZBJEDNOSTI

Stanje bezbjednosti na području ZDK tokom prvog polugodišta 2016. godine predstavljeno je kroz analizu kriminaliteta, javnog reda i mira i analizu bezbjednosti saobraćaja, po policijskim upravama, odnosno stanicama, kao i kroz analizu ostalih parametara datih u ovom Izvještaju.

Bezbjednosnu situaciju u prvoj polovini 2016. godine, u odnosu na isti period prethodne godine, karakteriše smanjenje u dva i povećanje u jednom bezbjednosnom aspektu, odnosno smanjenje broja krivičnih djela i saobraćajnih nezgoda i povećanje broja prekršaja.

2.1. JAVNI RED I MIR

U izvještajnom priodu zadokumentovano je 1.368 slučajeva narušavanja javnog reda i mira u kojima je učestvovalo 1.551 lice.

Najveći broj prekršaja je evidentiran na području PU I - Zenica (549), a najmanji na području PS Doboj Jug (16 prekršaja). Javni red i mir je u 331 slučaju narušen tučom, u 263 slučaju naročito drskim ponašanjem, u 110 slučajeva omalovažavanjem policijskih službenika, u 119 slučajeva svađom, vikom i nepristojnim ponašanjem, dok se u 545 slučajeva radilo o ostalim prekršajima.

Stanje javnog reda i mira u prvom polugodištu 2016. godine po policijskim stanicama/upravama

PU/PS	Broj prekršaja JRM	Broj počini-laca	Svada, vika, nepri-stojno pona-šanje	Tuče i fizički napadi	Naro-čito drsko pona-šanje	Odbija-nje nare-đenja i omalo-važa-vanje pol.sl	Ostali prekr-š aji	Ugosti-teljski objekti	Ulice, trgovi i drugi otvoreni prostori	Sportski stadioni i dvorane	Ostala mjesta
PU I (ZENICA)	549	549	33	118	104	47	247	25	434	3	87
PS VISOKO	105	108	22	27	32	8	16	7	86	2	10
PS KAKANJ	78	94	9	14	21	3	31	3	65	-	10
PS BREZA	52	62	2	18	16	3	13	11	39	1	1
PS ZAVIDOVIĆI	100	100	12	29	18	4	37	18	80	-	2
PS MAGLAJ	85	106	8	6	19	9	43	3	37	-	45
PU ŽEPČE	91	186	6	29	20	23	13	17	62	-	12
PS TEŠANJ	227	254	23	62	22	6	114	45	140	-	42
PS USORA	24	28	1	9	3	1	10	1	13	-	10
PS DOBOJ JUG	16	17	-	6	-	3	7	3	12	-	1
PS OLOVO	21	26	-	2	8	-	11	3	10	1	7
PS VAREŠ	20	21	3	11	0	3	3	7	12	-	1
UKUPNO	1.368	1.551	119	331	263	110	545	143	990	7	228

Od ukupnog broja prekršaja, 419 je počinjeno od strane povratnika u vršenju prekršaja, 24 od strane maloljetnika, 3 od strane stranih državljana i 922 od strane ostalih lica.

Prekršaji su se u 990 slučajeva desili na ulici, u 143 slučaja u ugostiteljskim objektima, u 7 slučajeva na sportskim stadionima i dvoranama i u 228 slučajeva na ostalim mjestima.


Posljedice prekršaja su 222 povrijeđena lica, od kojih 63 povratnika u vršenju prekršaja, 16 maloljetnika i 142 ostala lica.

Stanje javnog reda u periodu januar-juni 2016. godine sa uporednim pokazateljima

Period	Broj prekršaja	Broj počinilaca	Tuče i fizički napadi	Naročito drsko ponašanje	Omalovažavanje pol. službenika	Ugostitelj. objekti	Ulica	Posljedice / Povrijeđeni
Januar-juni 2013. god.	1.670	1.883	558	283	178	177	1.047	240
Januar-juni 2014. god.	1.429	1.714	473	309	130	108	916	261
Januar-juni 2015. god.	1.293	1.409	422	325	102	112	865	199
Januar-juni 2016. god.	1.368	1.551	331	263	110	143	990	222


Broj prekršaja javnog reda i mira je, u odnosu na isti period prethodne godine, veći za 75 prekršaja ili 5,8%, ali je to ipak znatno niže u odnosu na iste periode 2013. i 2014. godine.

Dijagram prekršaja javnog reda i mira



Broj prekršaja javnog reda i mira tučom je, u odnosu na prvih šest mjeseci prethodne godine, manji za 91 prekršaj ili 21,6%, te je u stalnom opadanju u odnosu na iste periode prethodne tri godine.

Dijagram prekršaja JRM tučom i fizičkim napadima



2.2. KRIMINALITET

U izvještajnom periodu, prijavljeno je 1.449 krivičnih djela od kojih 414 ili 28,6% po poznatom i 1.035 ili 71,4% po nepoznom počiniocu.

Najviše krivičnih djela je zabilježeno na području PU I - Zenica (627), a najmanje na području PS Doboju Jug (14 krivičnih djela).

Pregled kriminaliteta u periodu januar-juni 2016. godine po policijskim stanicama/upravama

PODRUČJE	Broj krivičnih djela	Po poznatom	Po nepoznom	Rasvjetlj. po nepoznom	Procenat rasvjetlj. po nepoznom	Ukupno rasvjetlj. KD	Procenat ukupne rasvjetlj.
PU I (ZENICA)	627	75	552	274	49,6%	349	55,7%
PS VISOKO	120	18	102	62	60,8%	80	66,7%
PS KAKANJ	139	43	96	69	72,6%	112	80,6%
PS BREZA	55	29	26	11	42,3%	40	72,7%
PS ZAVIDOVIĆI	117	41	76	39	51,3%	80	68,4%
PS MAGLAJ	91	42	49	24	49%	66	72,5%
PU ŽEPČE	86	31	55	35	63,6%	66	76,7%
PS TEŠANJ	74	26	48	27	56,3%	53	71,6%
PS USORA	18	4	14	7	50%	11	61,1%
PS DOBOJ JUG	14	10	4	4	100%	14	100%
PS OLOVO	32	26	6	4	66,7%	30	93,8%

PS VAREŠ	23	17	6	2	33,3%	19	82,6%
SJEDIŠTE	53	52	1	1	100%	53	100%
UKUPNO	1.449	414	1.035	559	54%	973	67,1%

Od ukupnog broja krivičnih djela po nepoznatom počiniocu, naknadno je rasvijetljeno 559 krivičnih djela ili 54%. Ukupna rasvijetljenost je 973 krivična djela ili 67,1%.


Zbog postojanja osnova sumnje da su počinili krivična djela, Tužilaštvu je prijavljeno 1.170 lica od kojih 504 povratnika u vršenju krivičnih djela i 66 maloljetnika.

Stanje kriminaliteta u periodu januar-juni 2016. godine sa uporednim pokazateljima

Period	Broj krivičnih djela	Po poznatom	Po nepozna-tom	Rasvijetlj po nepozna-tom	Procenat rasvijetlj.	Ukupna rasvijetlj.	Procenat ukupne rasvijetlj.	Br. prijav-ljenih lica	Malolje-tnici	Povratnici
Januar-juni 2013. godine	1.847	544	1.303	725	55,6%	1.269	68,7%	1.465	86	688
Januar-juni 2014. godine	1.672	508	1.164	645	55,4%	1.153	69%	1.403	71	597
Januar-juni 2015. godine	1.535	427	1.108	617	55,7%	1.044	68%	1.270	64	542
Januar- juni 2016. godine	1.449	414	1.035	559	54%	973	67,1%	1.170	66	504

Kako se vidi u prethodnoj tabeli, u prvom polugodištu 2016. godine, broj krivičnih djela je, u odnosu na isti period prethodne godine, manji za 86 krivičnih djela ili 5,6%.

Dijagram kriminaliteta za periode januar-juni od 2013. do 2016. godine



Iz dijagrama se vidi da je prisutno kontinuirano opadanje broja krivičnih djela, kada se posmatraju periodi januar-juni od 2013. do 2016. godine.


Maloljetnička delinkvencija

U prvih šest mjeseci 2016. godine prijavljeno je 66 maloljetnih počinilaca krivičnih djela, što je za 2 lica ili 3,1% više nego u istom periodu prethodne godine.

Maloljetnici su prijavljeni za slijedeća krivična djela:

- o „teška krađa” (39)
- o „razbojništvo” (6)
- o „nasilničko ponašanje” (4)
- o „krađa” (3)
- o „šumska krađa” (2)
- o „učestvovanje u tuči” (2)
- o „prijevara” (2)
- o „teška tjelesna povreda” (1)
- o „laka tjelesna povreda” (1)
- o „ugrožavanje sigurnosti” (1)
- o „posjedovanje i omogućavanje uživanja opojnih droga” (1)
- o „oštećenje tuđe stvari” (1)
- o „izazivanje opće opasnosti” (1)
- o „ugrožavanje javnog prometa” (1)
- o „krivotvorenje isprave” (1)

***Dijagram maloljetničke delinkvencije
za periode januar-juni od 2013. do 2016. godine***



Struktura krivičnih djela

Struktura krivičnih djela po skupinama krivičnih djela prema Krivičnom zakonu BiH, skupinama krivičnih djela prema Krivičnom zakonu FBiH, te prema krivičnim djelima iz drugih posebnih zakona, prezentirana je tabelarno i tekstualno.

Prema Krivičnom zakonu BiH, prijavljena su 3 krivična djela, prema Krivičnom zakonu FBiH prijavljena su 1.432 krivična djela, te prema drugim posebnim zakonima, odnosno prema Zakonu o nabavljanju, držanju i nošenju oružja i municije ZDK, prijavljeno je 14 krivičnih djela.

**Struktura krivičnih djela prema KZBiH za prvo polugodište 2016. godine
u poređenju sa podacima iz prethodne godine**

Redn i br.	Naziv krivičnog djela po KZBiH	Januar – juni 2015. godine		Januar – juni 2016. godine	
		Ukupno KD	Rasvijetljenost	Ukupno KD	Rasvijetljenost
1.	KD protiv čovječnosti i međunarodnog prava (čl.171-203) - neovlašteni promet opojnim drogama	-	-	1	100%
2.	KD protiv privrede (čl.204-216) - krivotvorenje novca	-	-	2	50%
3.	U K U P N O	-	-	3	66,7%

Struktura krivičnih djela prema KZ FBiH i drugim posebnim zakonima za prvo polugodište 2016. godine u poređenju sa podacima iz prethodne godine

Red. br.	Naziv krivičnih djela po KZFBiH	Januar – juni 2015. godine		Januar – juni 2016. godine	
		Ukupno KD	Rasvijetljenost	Ukupno KD	Rasvijetljenost
1.	KD protiv ustavnog poretka (čl.149-165) - izazivanje narodnosne, rasne i vjerske mržnje, razdora ili netrpeljivosti	-	-	1	100%
2.	KD protiv života i tijela (čl.166-176) - ubistvo - ubistvo u pokušaju - teška tjelesna povreda - laka tjelesna povreda - učestvovanje u tuči	45 1 4 27 13 -	86,7% 100% 75% 74,1% 92,3% -	58 3 2 25 25 3	87,9% 100% 100% 84% 80% 100%
3.	KD protiv slobode i prava čovjeka i građanina (čl. 177-199) - protupravno lišenje slobode - ugrožavanje sigurnosti - narušavanje nepovredivosti doma - neovlašteno prisluškivanje i zvučno snimanje - neovlašteno optičko snimanje	50 1 45 3 1 -	66% 100% 60% 100% 100% -	61 2 57 1 - 1	80,3% 50% 77,2% 100% - 100%

4.	KD protiv dostojanstva ličnosti i morala (čl.203-213)	12	91,7%	11	72,7%
	- silovanje	3	100%	2	100%
	- spolni odnošaj sa djetetom	4	100%	1	100%
	- bludne radnje	2	100%	6	66,7%
	- navođenje na prostituciju	1	100%	-	-
	- iskorištavanje djeteta ili maloljetnika radi pornografije	1	0%	1	100%
	- upoznavanje djeteta sa pornografijom	-	-	1	0%
	- rodoskrvuće	1	100%	-	-
5.	KD protiv braka, porodice i mladeži (čl.214-224)	69	100%	55	100%
	- izvanbračna zajednica sa mlađim maloljetnikom	-	-	1	100%
	- promjena porodičnog stanja	-	-	1	100%
	- nasilje u porodici	69	100%	53	100%
6.	KD protiv zdravlja ljudi (čl.225-240)	100	93%	98	81,6%
	- neovlaštena proizvodnja i stavljanje u promet opojnih droga	23	82,6%	13	100%
	- posjedovanje i omogućavanje uživanja opojnih droga	77	96,1%	85	71,8%
7.	KD protiv privrede, poslovanja i sigurnosti platnog prometa (čl.241-272)	8	87,5%	9	100%
	- povreda ravnopravnosti u vršenju privredne djelatnosti	-	-	1	100%
	- oštećenje povjeritelja	2	100%	-	-
	- zloupotreba ovlasti u privrednom poslovanju	-	-	1	100%
	- izrada lažne bilanse	-	-	1	100%
	- prevara u privrednom poslovanju	1	100%	2	100%
	- sklapanje štetnog ugovora	-	-	1	100%
	- krivotvorenje kreditnih i ostalih kartica	-	-	-	-
	- bezgotovinskog plaćanja	1	0%	-	-
	- nedozvoljena trgovina	1	100%	-	-
	- obmana pri dobijanju kredita ili drugih pogodnosti	3	100%	2	100%
	- pranje novca	-	-	1	100%
8.	KD protiv radnih odnosa (čl.279-285)	2	100%	2	100%
	- povreda ravnopravnosti u zapošljavanju	1	100%	-	-
	- povreda prava iz socijalnog osiguranja	1	100%	-	-
	- zloupotreba prava iz socijalnog osiguranja	-	-	1	100%
	- neizvršenje odluke o vraćanju na rad	-	-	1	100%

9.	KD protiv imovine (čl.286-302)	867	49,6%	797	50,1%
	- krađa	262	64,5%	213	53,5%
	- teška krađa	425	36,2%	407	39,1%
	- razbojnička krađa	4	0%	1	100%
	- razbojništvo	45	40%	37	56,8%
	- utaja	15	80%	17	94,1%
	- oduzimanje tuđe pokretnine	5	60%	6	50%
	- oštećenje tuđe stvari	65	60%	61	57,4%
	- prevara	28	78,6%	36	91,7%
	- iznuda	1	0%	3	33,3%
	- prikrivanje	10	100%	10	100%
	- paljevina	7	28,6%	6	50%
10.	KD protiv okoliša, poljoprivrede i prirodnih dobara (čl.303-322)	82	90,2%	75	82,7%
	- šumska krađa	82	90,2%	69	81,1%
	- izazivanje šumskog požara	-	-	2	100%
	- mučenje ili ubijanje životinje	-	-	3	100%
	- protuzakoniti lov	-	-	1	100%
11.	KD protiv opće sigurnosti ljudi i imovine (čl.323-331)	42	61,9%	34	44,1%
	- izazivanje opće opasnosti	32	56,3%	29	41,4%
	- uništenje ili oštećenje važnih privrednih objekata ili javnih naprava	2	50%	5	60%
	- nesavjesno čuvanje pasa i drugih opasnih životinja	1	100%	-	-
	- teška krivična djela protiv opće sigurnosti ljudi i imovine	5	80%	-	-
	- nepropisni prijevoz eksplozivnog i zapaljivog materijala	2	100%	-	-
12.	KD protiv sigurnosti javnog prometa (čl.332-337)	66	100%	52	100%
	- ugrožavanje javnog prometa	-	-	4	100%
	- ugrožavanje javnog prometa zbog omamljenosti	4	100%	2	100%
	- teška krivična djela protiv sigurnosti javnog prometa	57	100%	43	100%
	- neukazivanje pomoći osobi povrijeđenoj u saobraćajnoj nezgodi	5	100%	3	100%
13.	KD protiv pravosuđa (čl.338-357)	3	100%	1	100%
	- lažno prijavljivanje	2	100%	-	-
	- sprječavanje dokazivanja	-	-	1	100%
	- neizvršenje sudske odluke	1	100%	-	-

14.	KD protiv javnog reda i pravnog prometa (čl.358-379)	157	86,6%	159	88,1%
	- sprečavanje službene osobe u vršanju službene radnje	11	90,9%	1	100%
	- napad na službenu osobu u vršenju poslova sigurnosti	4	100%	3	66,7%
	- nasilničko ponašanje	41	73,2%	38	84,2%
	- skidanje ili povreda službenog pečata ili znaka	2	50%	2	100%
	- oduzimanje ili uništenje službenog pečata ili službenih spisa	-	-	1	100%
	- lažno prijavljivanje	-	-	2	50%
	- samovlašće	-	-	2	100%
	- nedozvoljeno držanje oružja ili eksplozivnih materija	20	85%	16	81,3%
	- zloupotreba znaka za pomoć i opasnost	-	-	1	100%
	- krivotvorenje isprave	47	100%	40	97,5%
	- posebni slučajevi krivotvorenja isprave	29	72,4%	43	86%
	- ovjeravanje neistinitog sadržaja	2	50%	4	100%
	- povreda mira pokojnika	1	0%	6	83,3%
15.	KD podmićivanja i krivič. djela protiv službene i druge odgovorne funkcije (čl.380-392)	20	100%	19	94,7%
	- primanje dara i drugih oblika koristi	1	100%	-	-
	- davanje dara i drugih oblika koristi	1	100%	-	-
	- zloupotreba položaja ili ovlaštenja	11	100%	11	100%
	- pronevjera u službi	3	100%	4	100%
	- prevara u službi	1	100%	-	-
	- nesavjestan rad u službi	2	100%	3	66,7%
	- odavanje službene tajne	-	-	1	100%
	- krivotvorenje službene isprave	1	100%	-	-
16.	KD iz drugih posebnih zakona (Zakon o nabavljanju, držanju i nošenju oružja i municije)	12	100%	14	85,7%
17.	U K U P N O	1.535	68%	1.446	67,2%

Krivična djela protiv života i tijela

Iz ove skupine krivičnih djela definisanih Krivičnim zakonom FBiH, prijavljeno je 58 krivičnih djela, a njihova rasvijetljenost je 87,9%. Za počinjenje ovih krivičnih djela, nadležnom tužilaštvu je prijavljeno 76 lica, od kojih 24 povratnika u vršenju krivičnih djela i 4 maloljetnika. Slobode je lišeno 27 lica, a za sva je bila određena mjera zadržavanja do 24 sata.

Od teških krivičnih djela iz ove skupine, počinjena su 3 krivična djela "Ubistvo", koja su rasvijetljena.

Samoubistva

Tokom prvog polugodišta 2016. godine, na području Zeničko-dobojskog kantona je evidentirano 18 samoubistava (20 u istom periodu prethodne godine). Po načinu izvršenja, 10 samoubistava je izvršeno vješanjem, 3 skokom sa visine, 2 vatrenim oružjem, 1 utapanjem, 1 trovanjem i 1 na drugi način (električnom strujom - fenom za kosu ubačenim u kadu prilikom kupanja).

Po spolnoj strukturi, 9 samoubistava su izvršili muškarci i 9 žene. Samoubistava su izvršile osobe starosti od 50 do 60 godina (5), od 60 do 70 godina (5), od 40 do 50 godina (3), od 70 do 80 godina (3), preko 80 godina (1) i od 30 do 40 godina (1).

Krivična djela protiv dostojanstva ličnosti i morala

Od krivičnih djela protiv dostojanstva ličnosti i morala, počinjeno je 11 krivičnih djela. Ukupna rasvijetljenost je 72,7%. Iz ove skupine od težih krivičnih djela počinjena su 2 krivična djela „Silovanje“, 1 krivično djelo „Spolni odnošaj s djetetom“ i 1 krivično djelo „Iskorištavanje djeteta ili maloljetnika radi pornografije“. Za krivična djela iz ove skupine prijavljeno je 8 lica od kojih 1 povratnik u činjenju krivičnih djela. Slobode su lišena 2 lica i određena im je mjera zadržavanja do 24 sata.

U svim slučajevima su obavljani razgovori sa žrtvama uz prisustvo tužilaca i psihologa Kantonalnog tužilaštva Zeničko-dobojskog kantona, te službenika Centra za socijalni rad. Posebna pažnja posvećena je zaštiti identiteta žrtava, jer se u većini slučajevima radilo o maloljetnim osobama i djeci. Protiv počinilaca su podneseni izvještaji i isti su uz izvještaje predati u nadležnost Tužilaštva Zeničko-dobojskog kantona.

Nasilje u porodici

Na području Kantona zabilježeno je 86 slučajeva nasilja u porodici (80 u istom periodu prethodne godine). Žrtve nasilja su u najvećem broju slučajeva supruge, roditelji i djeca. Počinioci nasilja su najčešće muževi, sinovi i očevi. Protiv počinilaca nasilja u porodici podnesena su 53 izvještaja nadležnom tužilaštvu. Prijavljena su 53 lica, od kojih 23 povratnika u vršenju krivičnih djela. Tužilaštvo je za 29 lica odredilo mjeru zadržavanja do 24 sata.

U ovoj oblasti kriminaliteta, uspostavljena je dobra saradnja sa centrima za socijalni rad, te Nevladinom organizacijom „Medica“, u cilju pružanja pomoći porodicama i žrtvama porodičnog nasilja i eventualnog smještanja žrtava u sigurnu kuću.

Zloupotreba opojnih droga

U prvih šest mjeseci 2016. godine zabilježeno je 98 krivičnih djela protiv zdravlja ljudi, a sva se odnose na zloupotrebu droga (100 u istom periodu prethodne godine). Ukupna rasvijetljenost ovih krivičnih djela je 81,6%.

Trinaest krivična djela odnosi se na neovlaštenu proizvodnju i stavljanje u promet opojnih droga. Za počinjenje ovih krivičnih djela prijavljeno je 47 lica, od kojih je 30 povratnika u vršenju krivičnih djela. Slobode je lišeno 39 lica i za njih je određena mjera zadržavanja do 24 sata.

Počinjeno je i 85 krivičnih djela "Posjedovanje i omogućavanje uživanja opojnih droga". Za počinjenje ovih krivičnih djela prijavljeno je 66 lica od kojih 34 povratnika u

vršenju krivičnih djela i 1 maloljetnik. Slobode su lišena 52 lica i za sva je određena mjera zadržavanja do 24 sata.

Službenici Odsjeka za posebne namjene, zajedno sa drugim policijskim službenicima MUP-a Zeničko-dobojskog kantona i u saradnji sa Kantonalnim tužilaštvom, u okviru operativne akcije kodnog naziva "Mreža", poduzimali su operativno-taktičke i istražne aktivnosti usmjerene na otkrivanje i procesuiranje članova organizovane grupe koja se sumnjiči za izvršenje krivičnih djela "Neovlaštena proizvodnja i stavljanje u promet opojnih droga" iz člana 238. stav 2. i "Nedozvoljeno držanje oružja ili eksplozivnih materija" iz člana 371. KZ FBiH. Izvršeni su pretresi objekata na 58 lokacija s ciljem pronalaženja i privremenog oduzimanja predmeta koji mogu poslužiti kao dokaz u daljnjem postupku, izvršeno je lociranje i lišenje slobode 34 lica koja se sumnjiče za izvršenje navedenih krivičnih djela. Tačnije, tokom provođenja operativne akcije "Mreža" zadokumentovano je 499 krivično-pravnih radnji za koje se sumnjiče članovi organizovane grupe protiv koje je ova akcija i usmjerena. Policijskim timovima Uprave policije MUP-a ZDK su pružali pomoć pripadnici Federalne uprave policije, te pripadnici MUP-ova Kantona Sarajevo, Tuzlanskog i Srednjobosanskog kantona, pri čemu je angažovano oko 450 policijskih službenika.

Tokom sprovođenja radnje pretresa pronađeno je i privremeno oduzeto slijedeće: opojne droge speed (260,0 g), marihuane (2500,0 g), cannabis stabljika (50), te 8.870 komada raznih tableta u originalnim pakovanjima (Helex, Lexaurin, Bosaurin, Sanval, Amyzol, Xanax, Tramadol, itd.), 2 drobilice, novca u iznosu od 64.220,00 KM, 8 putničkih motornih vozila, 2 motora, 5 pištolja, 6 pušaka, određena količina municije različitog kalibra, 2 vage za precizno mjerenje, 41 mobilni telefon itd.

Kantonalnom tužilaštvu je dostavljen Izvještaj o počinjenim krivičnim djelima protiv 34 lica. Na osnovu prijedloga Kantonalnog tužilaštva, Općinski sud u Zenici je odredio mjeru pritvora u trajanju od 30 dana protiv 17 lica, a mjeru zabrane kretanja protiv 14 lica, dok su ostala lica puštena da se brane sa slobode.

Privredni kriminalitet

Tokom izvještajnog perioda, na području Kantona, u oblasti privrednog kriminaliteta, prijavljeno je ukupno 169 krivičnih djela, a ukupna rasvijetljenost je 95,9%. Tužilaštvu je prijavljeno 178 lica, od kojih 41 povratnik i 3 maloljetnika. Slobode je lišeno 13 lica, a za 12 je bila određena mjera zadržavanja do 24 sata.

Nadležnom tužilaštvu podneseno je 20 izvještaja o izvršenim krivičnim djelima i otkrivanju izvršilaca protiv 33 fizička i jednog pravnog lica za počinjenih 28 krivičnih djela. Tužilaštvu su dostavljena i 32 izvještaja o izvršenim provjerama, te je uzeto 246 pismenih izjava na zapisnik.

Najčešći predmet provjera u ovom izvještajnom periodu bila su lica za koje postoje osnovi sumnje da su počinila krivična djela "Prijevare", "Krivotvorenje isprava", "Zloupotrebe položaja ili ovlašćenja", "Nesavjestan rad u službi", "Pronevjera u službi", "Sklapanje štetnog ugovora", "Primanje dara i drugih oblika koristi" itd.

Krivična djela protiv imovine

U analiziranom periodu počinjeno je 797 krivičnih djela protiv imovine, a ukupna rasvijetljenost je 50,1%. Za počinjenje ovih krivičnih djela, tužilaštvu je prijavljeno 469 lica, od kojih 247 povratnika i 51 maloljetnik. Slobode je lišeno 126 lica, a za 122 je određena mjera zadržavanja do 24 sata.


Evidentirano 407 teških krađa, čija je ukupna rasvijetljenost 39,1%. Za počinjenje ovih krivičnih djela prijavljeno je 213 lica, od kojih 39 maloljetnika i 126 povratnika u činjenju krivičnih djela. Slobode su lišena 52 lica, od kojih je za 51 određena mjera zadržavanja do 24 sata

Uporedni podaci o teškim krađama

Period	Broj krivičnih djela teške krađe	Po poznatom	Po nepoznatom	Rasvijet. po nepoznatom	Procenat rasvijet. po nepoznatom	Ukupna rasvijet.	Procenat ukupne rasvijet.	Broj prijavljenih lica	Maloljetnici	Povratnici
Januar-juni 2013. godine	726	13	713	269	37,7%	282	38,8%	347	34	212
Januar-juni 2014. godine	585	20	565	215	38,1%	235	40,2%	306	30	173
Januar-juni 2015. godine	425	2	423	152	35,9%	154	36,2%	221	29	135
Januar-juni 2016. godine	407	5	402	154	38,3%	159	39,1%	213	39	126

U odnosu na isti period prethodne godine, broj krivičnih djela „Teške krađe“ je manji za 18 krivičnih djela ili 4,2%. Kada se posmatraju tri prethodna polugodišnja perioda, broj teških krađa je u stalnom opadanju.

Dijagram krivičnih djela teške krađe



U krivična djela „Teške krađe“ spadaju, pored ostalog, i krađe iz kuće i stanova, krađe iz privrednih i poslovnih objekata, krađe putničkih motornih vozila i krađe iz putničkih motornih vozila.

Zabilježeno je 215 teških krađa iz kuća i stanova (169 u istom periodu prethodne godine) sa materijalnom štetom od 174.420,00 KM i 88 teških krađa iz poslovnih objekata (135 u istom periodu prethodne godine) sa ukupnom materijalnom štetom od 123.218,00 KM.

U izvještajnom periodu, ukupno je ukradeno 27 automobila (24 u istom periodu prethodne godine). Zahvaljujući sprovedenim akcijama policije, u skladu sa Akcionim planom, u posmatranom periodu je pronađeno ukupno 8 automobila, od kojih jedan zapaljen. Rasvijetljene su 3 krađe automobila, za koje je tužilaštvu prijavljeno 5 lica, od kojih jedan povratnik u činjenju krivičnih djela i 2 maloljetnika. Jedno lice je lišeno slobode i određena mu je mjera zadržavanja do 24 sata. Evidentirano je i 58 teških krađa iz automobila (54 u istom periodu prethodne godine) sa pričinjenom materijalnom štetom od 50.000,00 KM

Krivična djela protiv okoliša, poljoprivrede i prirodnih dobara

Prijavljeno je 75 krivičnih djela protiv okoliša, poljoprivrede i prirodnih dobara. Ukupna rasvijetljenost je 82,7%. Za počinjenje ovih krivičnih djela tužilaštvu su prijavljena 82 lica od kojih 43 povratnika u vršenju krivičnih djela i 2 maloljetnika.

Od ukupnog broja ovih krivičnih djela, 69 su krivična djela „šumske krađe“. Po akciji „Šuma“, koja je na području ZDK zavedena u saradnji sa Kantonalnom upravom za šumarstvo, za prvih 6 mjeseci 2016. godine ukupno je oduzeto 212,48 m³ drvene mase. Podneseno je 26 izvještaja Kantonalnom tužilaštvu o izvršenom krivičnom djelu protiv 33 lica zbog postojanja osnova sumnje za počinjenje krivinog djela „Šumska krađa“ iz člana 316. stav 1. KZ FBiH. U 18 slučajeva je oduzeta drvena masa količina manjih od 2 m³, što je predato na postupanje Kantonalnoj upravi za šumarstvo, te su protiv počinilaca podnesene prekršajne prijave.

Krivična djela protiv opšte sigurnosti ljudi i imovine

Iz ove skupine počinjena su ukupno 34 krivična djela (42 u istom periodu prethodne godine), sa ukupnom rasvijetljenosti od 44,1%. Za navedena krivična djela prijavljeno je 16 lica, od kojih 10 povratnika i 1 maloljetnik. Slobode je lišeno 6 lica i određena im je mjera zadržavanja do 24 sata.

Počinjeno je 29 krivičnih djela „Izazivanje opće opasnosti“ i 5 krivičnih djela „Uništenje ili oštećenje važnih privrednih objekata ili javnih naprava“.

Kriminalistička tehnika

Radeći na otkrivanju i rasvjetljavanju krivičnih djela i drugim aktivnostima, službenici kriminalističke tehnike su izvršili 1.467 uviđaja (1.293 u istom periodu prethodne godine), pri čemu je pronađeno 5.105 tragova od značaja za rasvjetljavanje krivičnih djela. Izvršeno je 355 vještačenja, lice mjesta je fotografisano u 1.477 slučajeva i daktiloskopirano je 111 lica. Prema otiscima je identificirano 7 nn lica i 1 nn ljudski leš, a u bazu AFIS je uneseno 77 nespornih otisaka papilarnih linija.

Operativne aktivnosti policije

Zabilježen je 561 slučaj privođenja lica, pri čemu je privedeno 587 lica, 98 je sprovedeno, zadržano 535 i provjeren identitet za 4.590 lica.

Izvršeno je 2.696 uviđaja, 903 pregleda lica, 322 pregleda motornih vozila, 119 pregleda stanova, 32 pregleda ugostiteljskih objekata, te 52 pregleda drugih prostorija.

Oduzeto je 1.098 predmeta i uhvaćeno 15 lica po potjernici.

Službenici policije su samostalno rasvjetlili 212 krivičnih djela, a zajedno sa službenicima kriminalističke policije 441 krivično djelo. Sačinjena je 1.661 službena zabilješka koja sadrži sumnje za počinjenje krivičnog djela. Izvršeno je 1.879 provjera na zahtjev tužilaštva i sudova i 1.687 provjera na zahtjev drugih organa.

Pruženo je 268 asistencija, od kojih 69 po zahtjevima državnih organa, 127 po zahtjevima organa i organizacija javnih ovlaštenja i 72 po ostalim zahtjevima. Izvršena su 1.152 vanredna i 4.938 redovnih osiguranja, te izvršeno obezbjeđenje 706 javnih skupova.

Protestni skupovi, štrajkovi i blokade

Na području Zeničko-dobojskog kantona, tokom izvještajnog perioda evidentirana su 33 protestna skupa (PS Maglaj-15, PS Centar-12, PU Žepče-4 i PS Zavidovići-2).

Protestni skupovi su bili u organizaciji radnika „Krivaja Mobil“ Zavidovići, građana Zavidovića, radnika „Metalno“ Zenica, zakupaca prostora „Tržnice“ Zenica, Centra za pravnu pomoć ženama, stanovnika MZ Goliješnica, te mještana Kosove, Novog Šehera i Bradića.

Na protestnim skupovima nije bilo narušavanja javnog reda i mira.

Pregled podataka o oružju

U izvještajnom periodu je oduzeto slijedeće nelegalno posjedovano oružje: 1 automatska puška, 1 poluautomatska puška, 10 lovačkih i 5 pušaka raznih vrsta, 26 pištolja, 2 ručne bombe, 1 eksplozivna naprava, 63 komada hladnog oružja, 4 boksera, 26 komada drugih predmeta podesnih za nanošenje tjelesnih povreda, 1.257 komada municije i 3 kg eksploziva. Dobrovoljno su predate 3 ručne bombe i 15 komada municije. Oduzeta su 263 komada oružja u upravnom postupku (135 u istom periodu prethodne godine)

Policijski službenici otkrivaju nelegalno posjedovano oružje i municiju prilikom poduzimanja svakodnevnih aktivnosti na kontroli učesnika u saobraćaju, prilikom pregleda lica, vozila i drugih objekata po članu 25. Zakona o policijskim službenicima ZDK, zatim prilikom provođenja racija u ugostiteljskim objektima, prilikom provođenja planiranih akcija na pronalasku predmeta iz krivičnih djela, prilikom provođenja akcija po nalogu tužilaštva i sudova, te prilikom poduzimanja mjera i radnji po dojavama građana. Protiv lica kod kojih se pronađe nelegalno posjedovano oružje, poduzimaju se zakonom predviđene mjere.

Tokom prvog polugodišta 2016. godine izdata su 1.232 odobrenja za nabavljanje oružja za fizička lica (606 u istom periodu prethodne godine), 8 odobrenja za nabavljanje i 9 odobrenja za držanje oružja za pravna lica, te 3 odobrenja za držanje trofejnog oružja, kao i 137 odobrenja za nabavku municije. Izdato je 835 oružnih listova (671 u istom periodu prethodne godine), te izvršeno 12 zamjena oružnih listova za fizička lica.

Požari i eksplozije

Inspektorat MUP-a u prvih šest mjeseci 2016. godine vršio je uviđaj na 53 požara, od kojih je 17 bilo na saobraćajnim sredstvima, 15 na stambenim objektima, 7 u pomoćnim objektima, 5 u poslovnim prostorima, 1 u proizvodnom objektu i 1 na ostalim mjestima. Vršen je uviđaj i na 4 šumska i 3 požara sijena.

Požari su u 31 slučaju bili izazvani podmetanjem, u 11 slučajeva tehničkim nedostatkom, u 7 slučajeva nehatom i u 4 slučaja uzrok požara nije utvrđen.

Posljedice požara su neutvrđena materijalna šteta.

Tokom prvog polugodišta 2016. godine, nije bilo evidentiranih podmetanja ili bacanja eksplozivnih naprava (4 u istom periodu prethodne godine).

Napadi na policijske službenike

Tokom prvog polugodišta 2016. godine, evidentirano je 6 napada na policijske službenike (5 u istom periodu prethodne godine), od kojih 5 pojedinačnih i 1 grupni napad sa udruženih tri ili više lica. Napadi su se desili prilikom zaticanja lica u vršenju krivičnog djela (2), održavanja ili uspostavljanja narušenog javnog reda i mira (1), kontrole saobraćaja (1), prilikom pružanja asistencije (1) i prilikom lišavanja lica slobode (1).

Napadi su se desili uz upotrebu fizičke snage (4), uz upotrebu vatrenog oružja (1) i uz korištenje raznih oruđa i drugih predmeta (1), od strane 5 punoljetnih i 3 nn napadača.

Posljedice napada su 1 teže i 4 lakše povrijeđena policijskih službenika, a protiv napadača su podneseni izvještaji nadležnom tužilaštvu.

Upotreba sredstava sile

U izvještajnom periodu zaprimljeno je ukupno 13 početnih izvještaja o upotrebi sile izvršene od strane policijskih službenika i za sve predmete sproveden je postupak utvrđivanja zakonitosti, na osnovu čega je utvrđeno da su sredstva sile upotrijebljena zakonito i pravilno, a što je u konačnosti rezultiralo i pravdanjem od strane Policijskog komesara.

Evidentirane su i 262 upotrebe sredstava za vezivanje, čija upotreba je opravdana od strane rukovodilaca organizacionih jedinica.

Kontrola zakonitosti rada policije

U izvještajnom periodu ukupno je zaprimljeno 68 predstavki, od kojih je u potpunosti okončano 58, dok je 10 predstavki u fazi rada ili u fazi odlučivanja kod Ureda za pritužbe javnosti.

Od ukupnog broja zaprimljenih predstavki, 51 je podnesena od strane građana, 10 od strane rukovodilaca organizacionih jedinica iz sastava ovog Ministarstva, 6 od strane anonimnih podnosilaca, dok je po jednoj predavci postupljeno po službenoj dužnosti.

Od ukupnog broja podnesenih predstavki, 41 predavka se odnosila na rad 64 policijska službenika, 25 predstavki se odnosilo na rad organizacionih jedinica iz Uprave policije MUP-a ZDK, jedna predavka se odnosila na rad jednog službenika Sektora za administraciju MUP-a ZDK i jedna predavka nije bila vezana za rad službenika ovog Ministarstva.

Ukupno je riješeno 58 predstavi, od kojih je za 27 utvrđeno da su neosnovane, 9 predstavi je ocijenjeno bez dovoljno dokaza, jedna predstava je ocijenjena oslobađajućom, za 9 predstavi je donesen zaključak da se po navodima istih ne postupa, dok je 12 predstavi ocijenjeno osnovanim i istima je obuhvaćeno 14 policijskih službenika i 1 namještenik.

Nakon podnošenja konačnog izvještaja i odobrenja Ureda za pritužbe javnosti, za 4 predstave je utvrđeno da su 4 policijska službenika počinila teže povrede službene dužnosti iz Zakona o policijskim službenicima ZDK, dok je za 8 predstavi, kojima je obuhvaćeno 10 policijskih službenika i 1 namještenik, utvrđeno da se radi o lakšim povredama službene dužnosti, gdje je protiv istih izrečena disciplinska sankcija.

U potpunosti je okončano 9 predstavi iz prethodnog izvještajnog perioda na slijedeći način: za 2 predstave je donesen zaključak da su neosnovane, za 2 predstave je donesen zaključak da su bez dovoljno dokaza, za jednu predstavku je donesen zaključak da se ne postupa, te za 4 predstave je donesen zaključak da su osnovane, gdje je za 2 predstave utvrđeno da su 3 policijska službenika počinila teže povrede službene dužnosti, a za 2 predstave je utvrđeno da su 3 policijska službenika počinila lakše povrede službene dužnosti.

Za proteklih šest mjeseci 2016. godine, izvršeno je 8 inspekcija, 27 revizija i 4 provjere po predstavkama i dopisima građana.

2.3. BEZBJEDNOST SAOBRAĆAJA

U izvještajnom periodu evidentirano je 2.117 saobraćajnih nezgoda u kojima je smrtno stradalo 19 lica, dok je 438 povrijeđeno, od kojih 86 teže i 352 lakše.

Najveći broj saobraćajnih nezgoda je evidentiran na području PU I - Zenica (975), a najmanji na području PS Vareš (29).

Stanje u oblasti bezbjednosti saobraćaja u prvom polugodištu 2016. godine, po policijskim stanicama/upravama

PODRUČJE	Broj saobraćajnih nezgoda	Lakše povrijeđeni	Teže povrijeđeni	Smrtno stradali
PU I (ZENICA)	975	111	14	3
PS VISOKO	205	39	9	2
PS KAKANJ	223	27	9	-
PS BREZA	58	18	1	-
PS ZAVIDOVIĆI	62	22	7	-
PS MAGLAJ	79	21	11	2
PS ŽEPČE	151	23	13	4
PS TEŠANJ	207	49	11	6
PS USORA	33	7	1	-
PS DOBOJ JUG	37	7	1	2
PS OLOVO	58	21	5	-
PS VAREŠ	29	7	4	-
UKUPNO	2.117	352	86	19


Uzroci većine saobraćajnih nezgoda su bili nepoštivanje saobraćajnih propisa, odnosno neprilagođena brzina uslovima puta, vožnja pod dejstvom alkohola, te u zimskim mjesecima, klizavi putevi.

Stanje bezbjednosti saobraćaja u periodu januar-juni 2016. godine sa uporednim pokazateljima

Period	Broj saobraćajnih nezgoda	Broj lakše povrijeđenih lica	Broj teže povrijeđenih lica	Broj smrtno stradalih lica
Januar- juni 2013. godine	2.018	328	82	17
Januar- juni 2014. godine	1.988	312	74	9
Januar- juni 2015. godine	2.163	349	100	13
Januar- juni 2016. godine	2.117	352	86	19

U prvom polugodištu 2016. godine, broj saobraćajnih nezgoda je, u odnosu na isti period prethodne godine, manji za 46 nezgoda ili 2,1%. Broj lakše povrijeđenih lica je veći za 3 lica ili 0,9%, broj teže povrijeđenih lica je manji za 14 lica ili 14%, dok je smrtno stradalo 6 lica više nego u istom periodu prethodne godine.

Dijagram broja saobraćajnih nezgoda



Saobraćajne nezgode i nastradala lica prema kategoriji puta sa uporednim pokazateljima

		Broj saobraćajnih nezgoda		Posljedice saobraćajnih nezgoda					
				Smrtno stradala lica		Teže povrijeđena lica		Lakše povrijeđena lica	
		Jan.-juni 2015.	Jan.-juni 2016.	Jan.-juni 2015.	Jan.-juni 2016.	Jan.-juni 2015.	Jan.-juni 2016.	Jan.-juni 2015.	Jan.-juni 2016.
Kategorija puta	Autoput A1	50	31	-	-	2	5	5	9
	Magistralni put	333	365	7	10	31	31	92	78
	Regionalni put	256	297	2	5	23	30	69	76
	Lokalni put	305	304	3	3	25	7	64	64
	Ulice u naselju	1.008	992	-	1	16	12	105	122
	Ostalo	211	128	1	-	3	1	14	3
UKUPNO		2.163	2.117	13	19	100	86	349	352

Kako se vidi iz prethodnih tabela, najviše saobraćajnih nezgoda se desilo na ulicama u naseljima (992), a najmanje na autoputu (31).

Iz prezentiranih podataka se može vidjeti da je, u odnosu na isti period prethodne godine, povećan broj saobraćajnih nezgoda na magistralnim i regionalnim putevima, smanjen na autoputu, u ulicama u naseljima i na ostalim mjestima, dok je broj saobraćajnih nezgoda na lokalnim putevima ostao na približno istom nivou.

Broj smrtno stradalih lica je povećan na magistralnim i regionalnim putevima, te u ulicama u naseljima. Odnosno od 19 smrtno stradalih lica, najviše je stradalo na magistralnim putevima (10) (u istom periodu prethodne godine 7), na regionalnim putevima (5) (u istom periodu prethodne godine 2) i u ulicama u naseljima 1 (u istom periodu prethodne godine nije bilo smrtno stradalih). Na lokalnim putevima je broj smrtno stradalih lica ostao isti, dok na ostalim mjestima nije bilo smrtno stradalih lica (u istom periodu prethodne godine 1).

Broj teže povrijeđenih lica je povećan na autoputu i regionalnim putevima, na magistralnim putevima je ostao isti, dok je na ostalim kategorijama puteva smanjen.

Od ukupnog broja nastradalih lica, vozača je 208 (216 u istom periodu prethodne godine), putnika u vozilima 165 (161 u uporednom periodu) i pješaka 84 (85 u uporednom periodu). Smrtno je stradalo 11 vozača (9 u uporednom periodu prethodne godine), 6 putnika u vozilima (2 u uporednom periodu) i 2 pješaka (2 u uporednom periodu).

Aktivnosti policije u oblasti bezbjednosti saobraćaja

Radi poboljšanja stanja u oblasti bezbjednosti saobraćaja, policijski službenici su za počinjene prekršaje i krivična djela u saobraćaju sankcionirali ukupno 52.315 učesnika u saobraćaju, što je za 10.125 učesnika ili 24% više nego u istom periodu prethodne godine.

Podaci o aktivnostima policije u oblasti bezbjednosti saobraćaja tokom prvih šest mjeseci 2016. godine, u poređenju sa istim periodom prethodne godine

Red. br.	Aktivnosti policije u oblasti bezbjednosti saobraćaja	Januar – juni 2015. godine	Januar – juni 2016. godine
1.	Kontrolisano vozila/vozača	80.860	80.532
2.	Kontrolisano lica u vozilima	11.988	10.897
3.	Podneseno krivičnih prijava zbog izvršenih KD ugrožavanja bezbjednosti saobraćaja	66	52
4.	Podneseno zahtjeva za pokretanje prekršajnog postupka	1.089	556
5.	Broj izdatih prekršajnih naloga	41.035	51.707
6.	Isključeno vozila iz saobraćaja zbog tehničke neispravnosti	160	234
7.	Zatečeno vozača pod dejstvom alkohola	2.103	2.272
8.	Zatečeno vozača bez položenog vozačkog ispita	593	761
9.	Zatečeno vozača pod izrečenom zaštitnom mjerom zabrane upravljanja motornim vozilima	46	145
10.	Zatečeno vozača bez korištenja sigurnosnog pojasa	1.704	1.569
11.	Zatečeno vozača koji koriste mobilni telefon tokom vožnje	263	369
12.	Otkriveno vozila bez važeće registracije	963	1.037

U izvještajnom periodu fiksni radari Šije (Tešanj), Goliješnica (Žepče), Misurići (Maglaj) i Donja Vraca (Zenica), evidentirali ukupno 28.681 prekršaj. Od tog broja, 12.123 prekršaja su počinili vozači koji su upravljali vozilima sa BiH registarskim tablama i za novčanu naplatu ukupan iznos je 438.530,00 KM. Vozači koji su upravljali vozilima stranih registarskih oznaka počinili su 16.558 prekršaja i ukupna moguća naplativost ovih prekršaja je 689.130,00 KM.

Mobilni radari, koji su postavljani naizmjenično u PU/PS, evidentirali su ukupno 12.009 prekršaja. Vozači koji su upravljali vozilima sa BiH registarskim tablama počinili su 10.771 prekršaj i za novčanu naplatu ukupan iznos je 395.460,00 KM, dok su 1.238 prekršaja počinili vozači koji su upravljali vozilima stranih registarskih oznaka i ukupna moguća naplativost ovih prekršaja je 45.670,00 KM.

3. ZAKLJUČAK SA PRIJEDLOGOM MJERA

Bezbjednosna situaciju tokom prvog polugodišta 2016. godine, je prezentirana kroz pregled parametara kriminaliteta, javnog reda i mira, bezbjednosti saobraćaja i drugih parametara datih u ovoj Informaciji.

U odnosu na isti period prethodne godine, može se zaključiti slijedeće:

U oblasti javnog reda i mira, broj prekršaja je veći za 75 prekršaja ili 5,8%, dok je broj prekršaja javnog reda i mira tučom manji za 91 prekršaj ili 21,6%. Prekršaja javnog reda i mira u većem obimu nije bilo.

U oblasti kriminaliteta, broj krivičnih djela je manji za 86 krivičnih djela ili 5,6%. Ukupna rasvijetljenost krivičnih djela od 97,1%, predstavlja zadovoljavajući rezultat. Broj teških krađa je manji za 18 krivičnih djela ili 4,2%, a ukupna rasvijetljenost je veća za 2,9%. Evidentirana su 3 krivična djela „Ubistvo“ i sva su rasvijetljena.

U oblasti bezbjednosti saobraćaja, broj saobraćajnih nezgoda je manji za 46 nezgoda ili 2,1%, broj lakše povrijeđenih je veći za 3 lica ili 0,9%, broj teže povrijeđenih je manji za 14 lica ili 14%, dok je smrtno stradalo 6 lica više nego u istom periodu prethodne godine. Radi poboljšanja stanja u oblasti bezbjednosti saobraćaja, policijski službenici su za počinjene prekršaje i krivična djela u saobraćaju sankcionirali 24% više učesnika u saobraćaju nego u istom periodu prethodne godine.

Analiziranjem stanja bezbjednosti, te uzimanjem u obzir svih parametara datih u ovoj Informaciji, može se zaključiti da su službenici ovog Ministarstva, poduzimanjem ukupnih aktivnosti, planiranih i zavedenih akcija u oblasti javnog reda i mira, kriminaliteta i bezbjednosti saobraćaja, u toku prvog polugodišta 2016. godine, uspjeli bezbjednosnu situaciju učiniti zadovoljavajućom.

Ministarstvo će i ubuduće raditi na intenzivnijoj kontroli i nadzoru izvršavanja svih poslova i zadataka iz nadležnosti policije. Nastavit će se aktivnosti u skladu sa Akcionim planom mjera i radnji MUP-a ZDK za 2016. godinu, kao i u skladu sa Akcionim planom za strateško planiranje.

Prijedlog mjera u oblasti javnog reda i mira

- o Ministarstvo će sačiniti plan preventivnog djelovanja, u vidu pojačane pozorno-patrolne aktivnosti na ulicama gdje je evidentirano prisustvo većeg broja ljudi i na kojima su se, prema obavljenim analizama, dešavala narušavanja javnog reda i mira, a kako bi se u narednom periodu preduprijedila prekršajna delinkvencija na tim mjestima.

- o Ministarstvo će poduzimati mjere prema licima sklonim narušavanju javnog reda i mira, kao i pojačati aktivnosti nadzora nad licima koja se pojavljuju kao povratnici u činjenju prekršaja JRM-a.
- o Saradivaće se sa agencijama za zaštitu ljudi i imovine u okviru zakonskih nadležnosti i ovlaštenja, radi razmjene bezbjednosnih saznanja.
- o Nastaviće se aktivnosti na pružanju asistencija inspekcijskim organima na kontroli rada ugostiteljskih objekata, posebno u pogledu poštivanja općinskih odluka o javnom redu i miru.
- o Posebna pažnja će se obratiti na kretanje maloljetnih lica u noćnim satima bez pratnje roditelja ili staratelja.
- o Ministarstvo će nastaviti aktivnosti na obezbjeđenju svih javnih skupova na području Kantona (sportskog, kulturnog, vjerskog ili drugog karaktera).

Prijedlog mjera u oblasti kriminaliteta

- o Postupaće se u skladu sa procjenom stanja bezbjednosti i u skladu sa Akcionim planom mjera i radnji MUP-a ZDK za 2016. godinu, kojim su planirane mjere i radnje koje će se poduzimati po najtežim krivičnim djelima ubistva, razbojništva, teških krađa, iznuda, ucjena, navođenja na prostituciju, nasilja u porodici, neovleštene proizvodnje i stavljanja u promet opojnih droga, posjedovanja i omogućavanja uživanja opojnih droga, izazivanja opće opasnosti itd.
- o Sprovodiće se aktivnosti vezane za realizaciju dopuna planova rada za rasvjetljavanje svih neriješenih ubistava iz proteklih godina.
- o Sprovodiće se pojačane aktivnosti vezane za otkrivanje počinitelja teških krivičnih djela koja ugrožavaju osjećaj sigurnosti građana.
- o Nastaviće se aktivnosti po predmetima vezanim za privredni kriminalitet, prije svega u vezi sa zloupotrebama prilikom privatizacije poduzeća, te zloupotrebama i nepravilnostima prilikom odobravanja i podizanja kredita.
- o Takođe će se nastaviti aktivnosti na realizaciji mjera iz Programa prevencije maloljetničke delinkvencije na području ZDK.
- o Nastaviće se aktivnosti mobilnih timova, na pregledu lica i vozila u skladu sa članom 25. Zakona o policijskim službenicima ZDK, u svrhu otkrivanja predmeta iz krivičnih djela, predmeta pogodnih za počinjenje krivičnih djela, nezakonito posjedovanog oružja i eksplozivnih materija, droga itd.
- o Nastaviće se saradnja sa svim agencijama za sprovođenje zakona, kao i drugim institucijama (SIPA-om, FMUP-om, MUP-om RS-a, MUP-ovima drugih kantona i sl.), kao i sa Tužilaštvom BiH, Federalnim i Kantonalnim tužilaštvom, Kazneno popravni zavod Zenica, Ministarstvom pravde, Kantonalnom upravom za inspekcijske poslove, Ministarstvom zdravstva itd.

Prijedlog mjera u oblasti bezbjednosti saobraćaja

- o U skladu sa stručno-analitičkom procjenom stanja, na osnovu broja saobraćajnih nezgoda i posljedica koje su nastupile, Ministarstvo će obezbijediti intenzivniju kontrolu na svim kategorijama puteva i ostvariti potpuniju kontrolu pojedinih kategorija učesnika u saobraćaju.
- o Nastaviće se rad sa radarskim sistemima, te sa specijalnim vozilom "ProVida" vezano za brzu vožnju i preticanje na mjestima gdje je to zakonom zabranjeno.
- o I dalje će se poduzimati mjere i aktivnosti na kontroli mirujućeg saobraćaja.

- o Takođe će se pojačati rad i zavoditi akcije sa ciljem poduzimanja represivnih mjera prema vozačima, počiniocima prekršaja, koji su najčešće uzrok saobraćajnih nezgoda (brzina, alkohol, tehnička neispravnost, odstojanje i sl.).
- o Ministarstvo će posvetiti još veću pažnju kontroli i praćenju prevoza opasnih materija i poduzimati potrebne mjere u svim slučajevima kada se utvrde određeni propusti.
- o Obim kontrole saobraćaja će se stalno usklađivati sa vrstom i značajem puta, stanjem bezbjednosti na pojedinim putnim dionicama, učestalošću i strukturom prekršaja, kao i vremenskim uslovima.
- o Vršit će se provođenje zaštitne mjere oduzimanja vozila kojima se učestalo vrše prekršaji i krivična djela, a radi zaštite javne sigurnosti, kako je predviđeno članom 31. Zakona o prekršajima FBiH, članom 79. ZKP FBiH i članom 22. Zakona o policijskim službenicima ZDK, te zahtijevati od nadležnih općinskih sudova donošenje rješenja o postupanjima sa predmetnim vozilima.
- o Vršit će se praćenje i analiziranje efikasnosti kaznene politike i uticaj izrečenih sankcija na unapređenje bezbjednosti saobraćaja.
- o Ministarstvo će poduzimati mjere na što dosljednijoj realizaciji posebnih programa o osposobljavanju policijskih službenika, kao i programu modernizacije i opremanja saobraćajnih patrola radarskim sistemima, alkometrima, kao i video i komunikacijskom opremom za dokumentiranje događaja, odnosno prekršaja.
- o Takođe će se pratiti stanje infrastrukture saobraćajnica, te u skladu s tim će se vršiti kontrola i regulacija saobraćaja. O uočenim nedostacima sačinjavaće se informacije i dostavljati nadležnim strukturama radi otklanjanja nedostataka.

Br: 08-02/2-04-2-_____/16
Dana: 11. 08. 2016. godine

MINISTAR

Nikola Arsenić